



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Abdiae Babyloniae Primi Episcopi Ab Apostolis Constitviti,
de historia certaminis Apostolici, libri decem**

Abdias <Babylonius>

Coloniae, 1576

VD16 B 5299

Beati Mathiae Apostoli Vita, Ioachimo Perionio Benedictino Cormœriaceno
auctore

urn:nbn:de:hbz:466:1-45288

600 B. MATTHIAE VITA.

veteri quodam Cormœriacenæ biblio-
thecæ volumine descripsi, quæ auctor va-
cans nomine ex Africani veteris scripto-
ris libris se exscripsisse confirmat,

BEATI MATTHIAE
APOSTOLI VITA, IO.

A CHIMO PERIONIO

Benedictino Cormœria-
ceno auctore,

MAthias Christi Apostolus, Bethle-
mitanus ex tribu Iuda originem
habuisse dicitur. Is quemadmo-
dum ex libro Lucae, qui Acta Apostolorum
in scriptus est, intelligi potest. Christum
ab initio doctrinæ, ac prædicationis secu-
tus, nunquam ab eo postea discessit: nec
tamen unquam cum cæteris ex communi dis-
cipulorum numero ad apostolicæ digni-
tatis arcem elatus est, sed in locum Iudæ
qui magistrum discipulus prodidit ac ven-
didit, post CHRISTI ascensum successit.
Quod quemadmodum euenerit aut factum
sit, quoniam ad eius laudem pertinet, non
erit alienum exponere. Cum Christus Apo-
stolis spectantibus in cælum ascendisset,
apostolique & alij qui unquam aderant Hiero-
solymanam domum in qua habitabant, re-
diissent, non ita multo post Petrus Apo-
stolus

stolus surgens, omnes qui circumstabant numero ferè centum & viginti condiscipulos conuenit, his verbis, Scripturam impleri oportere, quam Spiritus sanctus ore Dauidis prædixisset de Iuda, qui dux fuisset eorum, qui IESVM CHRISTUM comprehenderant. Eum quidem eundem gradū honoris adeptum esse, quem ipsi consecuti essent, sed præmium scelere dignissimum consecutum esse eiusmodi, vt suspensus medius crepuerit, diffusis intestinis omnibus, Idque omnibus. Hierosolymitanis ita compertum exploratumque fuisse, vt ager lingua eorum Ager sanguinis nominaretur. Scriptum enim esse in libro Psalmorum. Fiat domicilium eorum desertum, nec sit qui in eo habitet: episcopatumque eius alter accipiat. Proinde in eius locum sufficiens cooptandumque esse vnum ex ijs, qui semper CHRISTUM vnà cum ipsis iam ex eo tempore secuti essent, cum à Ioanne baptizatus esset, ad eum quòd in cælum ascendisset, qui vnà cum eis palam ac publicè CHRISTVM à mortuis excitatum esse testificaretur. Hæc Petri oratione cæteri adducti duos constituerunt ac proposuerunt, Iosephum qui Barsabas diceretur, & Mathiam de quo dicimus: orauerunt-

602 B. MATTHIAE VITA:

que Deum in commune ut doceret ac patefaceret, utrum eorum vellet in Iudæa locum succedere. Cumque eis sortes dedissent, Matthias sorte Apostolus electus est. Nec vero hoc gradu honoris indignum hoc præstitit. Nam cum in partitione provinciarum Iudæa è nutu diuino obtigisset, multos partim doctrina partim vita, quam integerrimam ageret, partim miris inusitatisque operibus, quæ in ægrotorum morbis profligandis ederet, ad Christianam religionem fidemque traduxit. Quod cum Iudæi, quos ad sanam mentem à praua deducere non potuit, acerbè ferrent, eum ad Pontificem pertraxerunt, doctrinamque ac religionem ei ut crimen obijcere cœperunt. Ille magna fiducia præsentique animo fretus, hoc statim respondisse dicitur, ea quæ ipsi ut probra & crimina obiectarent, non longam desiderare orationem, Christianum enim esse, non criminofum esse, sed gloriosum. Cumque Pontifex ex eo quasi uisset, si tempus pœnitentiæ daretur, mutarene consilium vellet: Deus, inquit, prohibeat, ne à veritate quam semel inueni ac secutus sum, aliquando quasi transfuga deficiam. Tum concitati populi furore Pontifex præter priuatum odium impul-

ERIONIO AVCT. 605

impullus, eū sententia sua lapidibus primo obruendum, deinde securi feriendum esse pronunciauit. Duo autem testes quos subornauerant, primi in eum lapides iaculati sunt. Ille verò lapides testimonij causa vt secum sepelirentur, rogauit: sic

beatus Apostolus ad CHR Istum

migrauit VII Kalend. Mar


tij. Eius autem corpus

ex Iudæa Romam

primū, deinde

Roma

Treniros translatum esse dicitur.



Cc 2

INDEX